

西鄉勝迹錄

懿子五著



地750.17  
217.92



中国书店标价籤

編	号	本数	定价
294		1	1.00

# 序

余於民國三十七年。自漢陰調任西鄉縣篆政。餘之暇。訪詢境內山川古蹟。縣士姚慈子先生以其所纂之西鄉勝迹錄見示。披閱一過。不特堪為遊者南針。而於縣之古今變遷。沿革興廢。分類條列。瞭若指掌。先生從事教育。甚少暇晷。乃偷閒致力於文化。洵匪易也。

然顧其名不禁有感焉。世所謂勝迹者。山必如匡廬太華。水必如洞庭西湖。有古今中外文人才士優遊題詠。故名重於世。而其山水之佳勝。固有所以致人之流連者在也。若西鄉者。山區小邑。文教未振。何勝迹之足云乎。况先生遨遊南北各省。垂二十年。名山勝境。多有遊踪。一旦返其故鄉。已屬經滄海而難為水。歸五嶽而不見山矣。今乃斤斤然傳小邑之勝迹。得毋有說乎。

夫評人之妍媸者。不能自見其貌。言人之善惡者。不能自觀其心。侈談海外之富麗堂皇。而問以國門內事。則茫然未悉。高論今日之因革損益。而問以先民遺型。則莫知所謂。重今而忽古。重遠而忽近。其失一也。勝迹者。先民之遺迹也。一部廿四史。歷代勝

迹之總匯也。故選勝尋幽。為騷人之雅事。訪遺考古。亦學者之苦心。一邦之文化。資之以彰。百世之廢墜。賴之而顯。西鄉建縣。遠在漢代。地居衝要。史蹟頗多。年遠代湮。數典易忘。表彰勝迹。所以揚地方之文獻。非徒覽物華之旖麗。供登臨之遊騁焉耳。

抑且故國之松柏在望。桑梓宜恭。新豐之雞犬依人。粉榆是式。生斯長斯。曷勝依戀。親兮故兮。輒深向往。愛鄉者。顧可不愛其鄉之史迹乎。且縣也者。國之基本也。故愛國必自愛鄉始。大學云。物有本末。事有終始。知所先後。則近道矣。先生傳其鄉邦之勝迹。

意其在斯歟。

余忝長縣政。表揚文獻。與有責焉。爰書其旨於篇首。並籌資促其付梓。將以闡未發之幽光。牘將墜之文化。惟西鄉山川毓秀。素著人文。此篇所述。容有挂遺。如平西城。豐寧戍。木馬寨。雖列於篇。其真址尚有懷疑。陽都坂。寒泉嶺。黃金峭。雖見於志。其實地則難確定。欲考前修之遺緒。端賴後士之勤搜。邦人君子。幸共勉焉。

中華民國三十七年西鄉縣縣長隴縣王肇基撰

西鄉勝迹錄目錄

西鄉姚效先慈子實迹

叙論第一

山水第二——武子山……仙人坪……蒿坪山……香積山……飛鳳山……

……大巴山……小巴山……父子山……馬鞍山……佛頭山……海螺山……

席帽山……飛龍山……白雲山……天鷲山……雲亭山……十二嶺……老

家山……洋水……清涼川……木馬河……羊溪河……富溪河……神溪河……

……七十二渡河……天子溪……金洋堰……溫水泉……東沙渠……漢水……

子午河

崖穴第三——大舜洞……聖水峽……風洞……端掛崖……紅崖洞……

太白洞……元陽洞……武子洞……硃砂洞……牛星峽……老龍洞……碑

龍洞……龍池子……燕子洞……建文崖……穿石崖……智勇岩……

……九龍池

城堡第四——平西城……西鄉故城……洋源故城……白湯村……漢王城……

……木馬城……塞子城……戚氏村……東關堡

關戍第五——豐寧戍……皂軍山……箭穿山……饒風嶺……團樂關……

……父子關……龍池場……白河峽……峽口鎮……觀子山……沙河坎……

……鷺軍壩……獅駝河……堰口……司上……青溪……兩河……子午鎮……七

星壩……下高川……五里壩……木竹壩……茶溪鎮……梭羅關

津隄第六——虹橋……東渡橋……金洋橋……三星橋……白河橋……

……通濟橋……會仙橋……平政橋……胡公隄……西沙隄

亭臺第七——魁星樓……巽樓……古察院……射虎亭……招徠碑……

……忠義亭……文峯塔……望耕臺……連亭……繼園……大夫第

祠宇第八——文廟……二都祠……廣慶寺……觀音寺……彌陀寺……

普賢寺……洋水寺……芳輝寺……麻解寺……開元寺……虞舜廟……戚  
 姬廟……桓侯祠……武子觀……雙河觀……手心卷……蜘蛛卷……山神廟  
**邱墓第九**——戚姬墓……赤及都墓……太子墓……陳提督墓……吳太僕墓  
 黃將軍墓……楊都督墓……李巡撫墓……王壯節公墓……海協鎮殉節處……  
 海協鎮殉節處……雙守備殉節處……梅雪禪師塔……王烈士殉國處……鯉  
 魚墳

**結論第十**

# 西鄉勝迹錄

西鄉姚效先慈子纂述

## 叙論第一

人事有代謝。往來成古今。江山留勝迹。我輩復登臨。此孟浩然低徊峴首之詩也。夫世事往復。興廢無常。人物雖殊。河山如故。或因賢士之登臨。顧盼而高名長留。或有善政之惠澤流傳。而芳蹟不朽。此勝迹之所由生也。

清康熙時。西鄉知縣太倉王穆白。西鄉羣山萬壑。雖高峻層沓。然頗有淡遠聳峭。可以入畫者。如黃子久畫北苑居多。其或崇巒疊嶂。如巨靈斧劈者。則荆關六法也。若雲霧滄涼。盡為米顛發墨矣。其評西鄉丘壑。比擬入妙。可謂神會矣。又民國二十一年。縣長天水劉顯宗曰。西鄉地勢衝要。史跡孔多。蜀漢建藩。北控曹魏。東晉導道。西復梁州。吳玠守險而膺夷原。

## 西鄉勝迹錄

僻駐節而平亂。安內攘外之勲跡。亦治國者之龜鑑也。其舉西鄉史跡。歷歷如數家珍。低徊景行。又如是靡已也。然則西鄉勝迹。固自有在。而未可漠然視之也。

夫西鄉屏巴山而帶馬源。背秦嶺而襟洋水。氣候溫和。酷似江南。山環水繞。富風景優美之區。林秀壑幽。有雲嵐蒼翠之奇。其中或為古聖所遊憩。或為循良而謳歌。或留良將炳烈之勲。或紀名姬載誕之祥。要皆為山川秀氣之所鍾毓。惟以交通閉塞。缺乏史乘。古往今來。湮沒孔多。此編所述。非特表彰山水。抑以示來茲流連往迹。欽式前賢之遺風耳。

勝迹者。名勝古迹已耳。然而名勝古迹。幾難分判。有昔為名勝。今僅存遺址者。有雖為古迹。今仍為名勝者。故名勝之所在。恒為古迹之所在。雖然。晴川芳草。因崔顥而價增。孤嶺寒梅。由和靖而名高。輞川林塢。成摩詰詩中之畫。永州泉石。顯子厚文思之奇。故佳麗之山水。必有賢人才士為



之品題而後可表揚於世。顯晦之際。若有幸焉。此鄉先正楊爾楨所以有山無遊客未垂名之嘆也。此篇之搜集。考以志乘。參以聞見。分列八目。曰山水。曰崖穴。曰城堡。曰關戍。曰津隄。曰亭臺。曰祠宇。曰邱墓。意在表揚鄉土。不免有失謹嚴。藉作遊者南針。非敢鋪張篇幅。庶乎登臨之日。徘徊瞻眺。賞景物之清趣。發思古之幽情。倘亦風雅之士所樂聞乎。

### 山水第二

武子山 在縣治東南三十里。由堰口渡洋河即登山。三峯削立。二水環流。古木參天。松柏夾道。春秋佳日。登臨其上。覽林木。憑情聽百鳥和鳴。峯巒隱隱。半出雲表。洵勝境也。山左右峽中。壑幽林密。景色亦佳。晴日崖頭輒有五色光。故武子朝霞為西鄉勝景之一。山中盛產白皮松。據金陵大學森林學主任陳嶸曰。白皮松係東亞唯一之三葉松。為我國所特產。古時似遍於西北諸省。今則寥寥無幾。惟鄂西巴東縣。四川江油縣。尚有

### 西鄉勝迹錄

二

遺跡可尋。陝西西鄉及留壩二縣。受佛寺之保護。尚有十方數十方之純林存在。云。民國二十一年。中央實業考察團過縣。亦甚稱其珍貴。採標本以去。甚望政府有以保護。使此特產。薈蔚長存。則西鄉幸甚。中國實業幸甚。

#### 楊爾楨武子山二首

香霧瀟瀟萬界青。巖燈如雨復如星。寒潭不入人間氣。絕壁常留太古形。石為避兵多鑿窟。山無遊客未垂名。荆羅欲覓神仙跡。羽士先收老茯苓。

千家歷歷翠微中。慘淡孤城迥照紅。雲氣攜來山半雨。石門嘯作世間風。避人康子形迹遠。送曉鐘聲境界空。玉管銀珠殘月下。道人鼓吟自玲瓏。

李兆龍午子朝霞  
洞口望桃花。層層籠綠紗。洞邊多鹿跡。雲窟有人家。樹濕非關雨。山浮疑是鏡。探春春已足。斷碣紀年華。

仙人坪 武子山右北麓是也。相傳善卷隱此。據志。辟在位。熟知善卷德。以天下讓之。卷曰。冬衣皮毛。夏衣薜蘿。日出而作。日入而息。逍遙人間。而志意自得。吾何以天下為哉。事見莊子讓王篇。宋政和間。贈號曰高蹈。

先生。

高坪山 在縣治東北三里四季河之北。地勢雄峻。屹立一峯。周圍土地肥沃。其上花木四時不絕。地正對武子山。遠望三峯聳峙。俯瞰洋水木馬河之合流。雄秀逶迤。天然佳景也。

香積山 在縣東北饒風嶺之南。昔有高僧王大師等三人。斷臂駕虎。開無礙香積之厨。廣設大供。故以名焉。

飛鳳山 在武子山左。石壁騰空。有如鳳舉。上鑿飛鳳山三大字。姿勢道勁。傳為張飛所書。但字殊不類。側有虎頭崖三字。亦有筆法。不知何人所書。

大巴山 在縣西南。綿亘數百里。界連川境。崇岡複嶂。高插雲端。積雪至夏始消。漢江以南稱老林者。以此山為鉅。冬季望之。如白圭玉璋。花樹葱蘢。則又若斑斕錦屏矣。

西鄉勝迹錄

三

小巴山 在縣西南二百五十里。秀巖幽壑。晴雨霧雪。景咸入妙。足以媲美大巴山。盛產竹木。且多藥草。

父子山 在縣東一百里上高川。山勢雄峻。附近之山。無出其右者。山顛恒於十月即有積雪。巴山山脈自武子山蜿蜒東行。經白河峽為明月關。突出者為簡家坡。為開荒山。復東即父子山。迤邐經高川。峙於富溪河之西。宛若高川之屏障。其有名之峯。在中高川者曰關門石。在下高川者曰二龍寨。白大安山。高川之富溪鎮。巴之楮河。皆發源於此山。雨水所經流處。皆廣富之區。故有金高川銀楮河之諺。雖未免過甚。要非無故也。

馬鞍山 在縣東南一百五十里。下高川。自紅廟子下行五里。遙見東南有山如馬鞍狀。橫列空際。即此山也。在三星場東約五里。首南尾北。四無連屬。如天馬行空。至為雄偉。登巔眺望。三川全景。歷歷在目。嘉慶間。教匪之亂。建寨於上。總督楊遇春錫名天保寨。依其山勢作石城。東西各

置一門。南北為高山。則築砲壘。同治時重為培修。是時地多富戶。隨勢建屋。望衡對宇。繁若市廛。迨承平日久。漸次傾廢。民國以來。先後避難者。率架木覆茅。聊蔽風雨。地方貧瘠。可概見矣。西北山腰有數洞。莫知其深。夏則噓涼風。冬則吐熱氣。西門內有關帝廟。按觀子山峽口間亦有馬鞍山。山如馬狀是也。詳後木馬河

佛頭山 在縣西南二百八十里。菩提河。山頂平圓。若佛頭然。巴山諸峯。惟此獨險。可望見漢江及南城。洋三縣地。上有僧舍。清嘉慶七年。貴州遵義協鎮海常剿賊陣亡於此。

海螺山 在縣西南一百一十里。木馬河發源處。穴中有魚。小口細鱗。味鮮美。大者常三四尺。山形如海螺。故名焉。

席帽山 在縣南貴子山附近。去縣一百五十里。輿地紀勝謂在縣之平定鄉。今其地名平地。蓋音之轉也。此本縣古代鄉名之可考者。山有石

#### 西鄉勝迹錄

四

龍洞深五百餘丈。

飛龍山 在縣南五十里。法寶發脈之山也。上有紫雲。冬不積雪。

白雲山 在縣東南一百五十里。中高川。為下高川。河東山脈之圭峯。形如屏障。矗立雲表。山巖起伏。蜿蜒而南。如龍游蛟舞。至三星場下首。戛然而止。各巖多具俊秀之姿。手心菴峯其一也。

天鷲山 在縣東九十里。屬白河峽。山極高峻。頂圓。可遠眺石泉西鄉。山巔產五色小石。橢圓如卵。相傳昔有天鷲二隻。棲息其上。石為卵之所化云。細審石質。頗細潤。蓋碎玉年久受風雨之磨擦而成也。

雲亭山 舊志謂在縣西南二十里。山峯如亭。常有雲起。輿地紀勝引圖經云。連巴嶺五百里。峯谷嶮峻。因山與雲。其狀如亭。故名。又唐書地理志亦載此山。著名蓋已久云。

史左雲亭聳翠。紫綠向空撐。奇峯似削成。興飛詩白句。秋落夾仙枰。鐘乳斟難醉。雲

茅摘可烹。欲來分一席。惟恐神仙爭。

雲障巖前合。森森千尺屏。鳥棲巢共碧。客望眼能青。明月常依樹。深

嵐宛閉局。欲攜三謝句。吟待老猿聽。

雲亭誰構此。南天客子遙。看幾欲仙。壁峭常留猿。作伴樹高無礙鶴。為暇積來翠色。供書榻。望去嵐光入畫牋。乘興每思扳燈去。祇餘幽夢

到山巔。

起延鴻雲亭翠壁

天涯偶爾訪雲亭。壁立青山展畫屏。煙樹幾重留曉月。疎村到處映

晨星。崖青萬丈藤蘿護。苔綠三春蘭蕙馨。遊到忘歸心寂寂。羣鷗相伴

宿沙汀。

十二嶺 在縣東八十里。為赴安康大道。危巖峻岫。曲折而東。迤邐參

差。若巫山十二峯。故名。今則漢白公路道於其間。形已變易矣。

老家山 在縣西北二十五里。為由古園鋪至桑園鋪必由之道。清康

熙五十六年。知縣王穆捐貲重建關帝閣茶亭於其上。

### 西鄉勝迹錄

五

洋水 縣境內有名之古水也。洋讀為祥音。紀漢戚夫人載誕之祥也。

水在縣治東二十里。發源於鎮巴星子山。川原漫濶。一望平曠。土沃物庶。

沿岸頗多勝景。在縣東五里。篋箕河受木馬河水。流經縣境約長二百四

十里。由三花石入漢江。其所經流皆古洋川地也。

清涼川 唐德宗時朱泚反。帝幸梁州。中書舍人齊映從駕至清涼川。

見旌旗蔽野。帝心駭。謂朱泚之追兵截路。至此見梁帥嚴震具軍容拜馬

前。敕君臣離亂。流涕久之。帝喜。命震登馬與朕作主人。映叱嚴震與至尊

導馬。御膳各有所司。頃之。帝次洋州行宮。召映儒生不達機權。煙塵時務

姑息戎帥。映奏曰。山南士庶。只知有嚴震。不知有陛下。今天威親臨。令蜀

士民知天子之尊。亦足以盡嚴震為臣子之節。帝嘆久之。帝聞拜謝。映時

議多之。清涼川據太平寰宇記。大明一統名勝志。讀史方輿紀要。明史地

理志。皆謂即洋水也。

木馬河 繞縣治南。亦境內有名河流。源出巴山之木馬城。一名馬源

水。圖經云。原為木馬水。天寶間制改為馬源水。上有山如馬之狀。因以名

之。按此水源出巴山木馬城。山如馬狀。所經有馬鞍山。馬影壩。馬踪灘。其名為木馬。馬源皆有所本。今坊間地圖恆作牧馬河。失之遠矣。此水在縣境由西而東。至渡箕河入洋水。長約一百一十里。

羊溪河 在縣東南。沿河林秀壑幽。備饒清趣。源出於鎮巴白石山。入縣境。經倒座廟。馬家灣。西河。穿鷲頭峽。蜿蜒經白河峽。崖間有雙羊影跡。峽中有觀音洞。流至瓦口子入漢江。長約二百四十里。此河所經多半均在峽中。然其峽多俊秀。馬家灣為清嘉慶五年陝西潼關協鎮海洪阿追剿教匪陣亡處。

富溪河 在縣境東南高川。源出父子關。故又名父溪河。縱貫三高川全境。在八角樓受石門河水。在下高川受龍洞河。冷水河。壽溪河。雪甲河等水。經牛星峽。入石泉縣境。流入漢陰縣境內入漢江。在縣境內長約九十里。沿河風景頗秀麗。

西鄉勝迹錄

神溪河 在縣北四十里。傳昔有仙人騎驢過此。啼跡尚存。七十二渡河 在縣南五十里。洋水之支流也。發源金竹山。其水紫迴。凡有渡口七十二處。事類賦所謂七十二渡迴還是也。

天子溪 舊志謂在縣西南七十里。明建文皇帝憇此。按地當在峽口附近。疑即岳震川詩所謂文溪也。

金洋堰 縣治東南三十里。巴山之麓。有峽口。洋水出焉。水出峽後。其派漸濶。川原平夷。可田。峽口兩岸對峙如門。前人因障水為陂。名曰金洋堰。溉田四千六百餘畝。其隄岸自堰口北折而西。長二十里。春和景明。風光清爽。鳥啼花放。水碧山青。桃李蔭其上。鷗露沐其下。犢飲婦漂。漁歌互答。蓋絕妙一幅江南春野之畫圖也。堰之始建不可考。明正統成化間。知縣邱俊。李春。迭經培修。清初隄岸崩潰。永東壩田旱。順治十一年。知縣魏誠。戴其負重為修治。田始有收。民感其德。號曰戴公渠。康熙間。知縣史左。

王穆先後重修

何德全洋堰  
為愛洋流足溉田十的兩度此登旋日催嵐色開圖畫風領泉聲奏  
管絃墨裁員珉追往事祠臨高渚報先賢三農何幸當平世蒸粒常歌  
大有年

揚爾頓載公渠行  
洋川一水箭括通盤山蜿蜒怒蒼龍架木取土來龍腹千溝百膠水  
之東水東稻田沃如許肥秧大莖飽甘雨秋老莊翁酒歸春深結婦  
警花語堤崩渠惡二十年龜坼既脫不為田乳兔穿苗成窠成蒼蚓出  
穴真泥乾可惜把犁但種黍可憐下種只憂天我侯騎馬古桑下停鞭  
好語驚農話農也掛眉侯知之贈以青十萬撥鑿渠引水一月間借  
得龍伯波如山負薪不必勞貴子驅石何用說神仙渠水通舟自來去  
村新飯之煙數里餘推秋牽兒看審鼓槌壺過廟饗豚蹄無米無炊杜  
子美年年乞人一兩穗斗量驢載在今秋礪齒捫腹拜君惠

東郊甘里到精舍犬吟迎人猿鶴晚無數青山屋外遮幾灣渠水分  
溝瀉春來香氣釀花天秋裏清光騰月夜倚然碧靜絕塵氛真率消融  
人巧詐但得忘機狎野鷗不妨牛馬隨河馬我來信宿桂林中三十二  
殊分高下老梅久歲色如鐵賞心暢飲勞尊罍蒼松怪石作龍形應忘  
世穿花看蝶池塘激柳拂荷珠風來欲滅蒲葵價苦薇紅開白石山梳  
週遭叢棘塞墻堦時聞水怒聲如雷金洋石堰中流跨往日亭臺已傾圮

西鄉勝迹錄

勒山田蓬菴應多稼水東之人何無良水東之田多強霸除奸剔弊不  
易為如理亂離寧敢眠我來只飲洋川水悉索每愁何處借家鄉三裡  
尚未荒急解五斗其相訝華蟻待我味正鮮雲亭載酒依然乍君不見  
斜陽陣陣有歸鷓而我何時得返駕

溫水泉 在縣西南六十里平地雙河院四時常暖灌田甚廣

東沙渠 為城北五渠之源遠而最大者五渠一曰東沙渠一曰中沙

渠一曰北寺渠一曰白廟渠一曰西沙渠北山之水分落五渠由渠入城

環由濠而達於木馬河清初五渠淤塞一遇淫霖山洪暴發城闕即遭水

患康熙間知縣王穆道光間知縣張廷槐屢經修治並於渠岸栽桑植柳

既以護渠亦饒風景東沙渠源出於四方山達邈三十餘里納諸溪水至

磨兒溝出口流於城北分東西注於木馬河渠深岸固榆柳成林春夏之

閒閒步渠岸一望綠野覽山川之錦繡念先吏之賢勞思古之情油然而

生矣

漢江 漢江由寧羗嶧家山東行經南鄭城固洋縣穿黃金峽即入縣

境。經碾子溝。三花石。簡池壩。七星壩。茶鎮。新漁壩。入石泉縣境。自縣北入境。由縣東出境。在七星壩茶鎮之間。成一大灣曲形。流經縣境內。約長百餘里。湖洋水而上。可直達縣城。有舟楫之利。成魚米之饒。縣境內主要之經流也。

子午河。在縣東北。源出秦嶺子午谷。西南流入縣境。至子午鎮南。會牛羊河水。西流入漢。在縣境內約長九十里。

### 崖穴第三

大舜洞。在縣治東三十里。沙坡子北麓。後傳為虞舜憩息之處。

聖水峽。在武子山東峽中。有泉自石穴湧出。日三潮。謂之龍泉。山上有飛泉瀑布。龍洞飛泉。聖水靈潮。各為西鄉勝景之一。傳舜曾遊於此。故曰聖水。按舜坐姚墟。其地據水經注在今澤縣南水口附近。則本縣有其遊憩之地。情理可通。非欺會也。

### 西鄉勝迹錄

楊爾相聖水。境內山有靈泉。山水亦聖。何必江海。此亦作湖。水氣無山光。歷龍難分。徑流泉出。而水。聖。微。一。鏡。上。下。積。石。其。分。陰。定。巖。奇。月。不。全。曰。科。流。泉。水。不。行。洞。自。是。泉。之。性。

戴其負聖水靈潮。江潮猶信土。斯地更知危。水聖如期至。波靈入望明。影疑飛雪散。候不異陰晴。何事錢塘上。轟傳射弩聲。

戴其負龍洞飛泉。龍起何年月。鸞飛刺此泉。千重銀瀑雨。一線水簾天。秦嶺流洋細。川雲與洞連。蒙莊應未遠。戴賦灌河篇。

風洞。在武子山巔。洞凡四五。深不可測。風出入有聲。冬則吐氣滂滂。然以木葉投之。則飛起。

楊爾相風洞。收攝山川氣。出入雌雄風。靈竅無凡響。冬夏溫涼液。涼生石壁下。聲歸草樹中。瘴雲多氣力。吐之不散封。清妙吹夜月。點灑飄晨鐘。嘔吸千萬里。乃知此山空。

端拱崖。在父子山東面。屬高川。去縣治東南一百里。富溪河發源之處也。由山巔迂迴而下。有地曰廟台子。其北山崖壁立。半壁間飛閣凌空。望之若搖搖欲墜。是為觀音閣。由廟台子下行。路側山壁有大石洞。洞前

峭壁高聳。不能仰視其頂。崖間古木參天。修藤匝地。即端拱崖也。由洞口下行。水聲濺濺。樹影蒼蒼。怪石玲瓏。山徑蜿蜒。極饒清幽之趣。此水即富溪河。濫觴處也。水由崖根亂石下湧出。清澈如鏡。下行里許。經一數十丈之高崖。狂飈奔注。直下如飛。景之殊絕。未易見也。是名觀水崖。皆為父子山中之最勝處。而端拱崖下尤勝云。

紅崖洞 在縣治東十里。小峽山脈北行繞西。至峽口之東南。為洋水寺。寺東南陡起峭壁。壁間有大穴。穴口建門。刊夫嗣寺三字。即紅崖洞也。洞前砌有石坎。洞內傍山起精舍。上有崇樓。祀關公。樓旁有佛殿。樓西向。遠望縣城。隱約可見。南望武子山。三觀畢現。洋水由大峽來。直抵峭壁下。洞中多鷓。千百成羣。修竹茂林。掩映左右。登樓四望。遠峯聳竒。碧流奔注。翠嵐白雲。盪漾空際。風帆沙鳥。點綴波心。西則村舍田畦。歷歷在目。每當夕照。紅霞散綺。景色尤佳。故紅崖返照為西鄉勝景之一。寺初建於明代。

西鄉勝迹錄

清順治七年。蜀僧圓和駐錫於此。募資修葺。樓臺楹砌。煥然一新。寺中碑載平西王千歲吳西宮陳賢妃助緣銀五十兩。按即陳圓圓也。嗣邑廩生謝天品撰記勒石。侯萬戶篆佛法僧三字刻石。民國二十八年。因漢白公路由崖頂經過。被伐大樹。因樹根腐朽。雨水浸入崖崩。佛殿亦毀。二十九年復失火。今則僅存遺跡。不可登臨矣。

載其員紅崖返照  
日照暮天色。盤盤繞翠微。曠黃千石文。平楚一僧歸。古洞披殘影。餘霞  
趁落暉。叢叢晴處濕。疑是釣魚磯。

削壁多奇洞。梵宮殘霞蒸岫紫。顏景醉崖紅。樹外明雙練。雲  
中隱大雄。到來心自寂。幽谷會談空。

太白洞 在縣東百里。屬茶鎮。居萬山叢中。外植香楠。上凌削壁。噴霧噴雲。左攬楓園之勝。潑珠滾玉。右拱茶鎮之雄。遠而企之。如海上三山。可望而不可即。及探源而至。拾級以外。則又疑方壺圓嶠。近咫尺間。誠天然靈境耳。清嘉慶七年夏大旱。知縣狄燧聞其靈異。乃禱祈洞府。祝果即大

雨如注。乃作廟山。歲時報享。自同光以迄民國。復立廟洞口。於山上建拜殿齋室。山下建樂樓。屢經改建。規模壯麗。每天旱。績誠往禱。無不立應。數十年如一日也。今復拓恢名勝。廟貌一新。洵縣東之勝境也。

元陽洞 在縣南二十里梭羅關。其山名龍光嘴。洞深莫測。康熙年間天旱。在其他一龍洞祈雨。所投之瓶。經年餘於此洞流出。嗣即建廟於上。今遇天旱。常於此祈雨。甚驗。

武子洞 在武子山左五里。深窅莫測。以石投之。風輒起。龍泉水出焉。其泉自石穴湧出。隨潮溢減。潮至則水濁。潮息則水清。

硃砂洞 在縣東百里。居白河峽甘溝河上游。洞深莫探其底。口甚高大。前臨懸崖。自清嘉慶教匪之亂以來。附近人民避難恒入此。洞口架屋數間。建樓房三層。猶未能齊其頂。內有甘泉。四時不息。故無缺水之虞。漸入漸狹。穿一小門。則有平坦地。廣數十丈。惟不透光。日夜均須燈火。常有

西鄉勝迹錄

一。

風。夏則自外而內。冬則自內而外。憑欄遠望。別有風致也。旁有小洞。可布置牀榻桌椅之屬。如小屋焉。洞內兩旁。曲徑內通。入小口。則又稍廣。故可多貯物。洞前建有卡門。經卡門緣梯而上。即為大洞之口。再緣梯上。即至小洞。洞外石崖間。古木蒼翠。掩映洞口。清香靜雅。兼而有之。登其上。飄飄欲仙。殆非凡境也。

牛星峽 在縣東南一百六十里。屬下高川。即富溪河所經之峽也。峽口有牛星石。孤立水中。高約數尋。故名焉。石為無數石礫結成。上有廟宇。圍以竹樹。宛若長江中小孤山之縮影。極蒼翠玲瓏之致。兩岸崖壁。林秀壑幽。古昔山多棟。見人行峽中。輒滾石下擊。寒夜悲鳴。音徹山谷。不減於巫山猿聲之淒清也。牛星石附近。有奎星樓。清宣統時。下壩士庶建。以培文風。臨流攬勝。亦名跡也。

老龍洞 富溪河支流龍洞河發源處也。在下高川大安山麓。洞口深

遷寒氣襲人。泉旺水洪。溉田頗廣。中產鯢魚。俗稱娃娃魚。大者長尺餘。子午潮起。水聲震如雷吼。傳之甚遠。下有瀑布如白練。長垂山谷。天旱祈雨者常至此。洞上里許有廟。名雞公巷。廟後有石如雄雞。故以名焉。

雙龍洞 在縣東南一百五十里下高川。富溪河支流冷水河源流之一也。由冷水河口溯流而上。約三四里。路旁山崖間有大石穴。距五六丈。遠又一穴。即所謂雙龍洞也。洞口均東向。正對馬鞍山。以前兩洞均有水。近則水均由洞下山根湧出。兩洞俱甚深邃。曾有人執火炬。鳴金器。約膽壯者若干人入探。進數里。聞水聲如雷。不敢前行。鄰近居民。夏日多於洞口乘涼。

龍池子 在縣東一百里木竹壩屬之裴家壩。地廣約四五丈。清碧如鑑。深不見底。水由池中央上突。水盛時突出甚高。望之若揚湯沸騰然。洵奇觀也。池水下行。灌田頗多。天旱常祈雨於此。冬日池中恒見有熱氣上

西鄉勝迹錄

蒸云。

燕子洞 在牛星峽中。距下高川三十五里。即峽將盡之處也。洞在半山。深不知其底。洞中燕子千百成羣。見人持火入。則羣燕前撲。曾有人持火炬入探。燃炬十餘支後。火已不明。不敢再進。洞中有石筍之屬。洞口有居民。常亦不入也。

建文崖 志載在縣西南三百里。古名紅崖。廣四十里。碧光映文水之波。晴霞瀉松澗之瀑。明建文皇帝潛隱處。按所言距離方位。惟樓坊坪適合。然山水則殊不類。據山南詩選。岳震川有舊友陳秀山家平地文溪里。乾隆間。震川館大巴關巡檢署。常過從焉。作有平地及文溪里二詩。以紀其事。文溪里距平地五六里。舊志所謂文水之波者。殆即文溪歟。其所言山水亦頗相似。如是則崖當在峽口附近也。或云崖即在峽內。志所言里程。殊不足據。

史左建文崖頌并序  
姚尼亦廣孝曰。和尚不終的豈是好人。疾雷迅電。未若此言之震  
且駭也。梅雪禪師。終於和尚。真好人哉。帝養士之德。猶足驗云。當靖難  
兵入金陵也。飛龍潛遁。棄官而從者。師也。隱於此。老馬。帝不使叔有殺  
任名。師不蒙君以繫領。組辱善全骨肉。君臣之道。雖三百。年曆數。永終  
而此崖之號。傳於無極。廣大法門。信乎不可思議也。矣。龍德復潛者曰  
建文。素御史而為和尚者。曰程濟。先建文卒。梅雪。以其號也。邇其初。鐵  
死於戰。黃澄死於職。方孝儒族。徐輝祖。誅補錫。匠以復死。披萬翁。以巧  
尚不死。雖不同。其至誠。惻怛之意。與師無二。蓋盡其心。而全其德。彼做和  
名。甚矣。無可擬議矣。當為頌。以紀之。於穆建文。龍德而隱。燕入金塘。魚  
腹而通。路越三千。保無詰問。一蛇從之。於穆建文。龍德而隱。燕入金塘。魚  
三食萬方。茹蔬不闕。卓錫有年。得上乘。蛇既含珠。深山中。可逃悔吝。  
求天池。復奮龍德。所潛紅崖。千仞。仙鹿慈鳥。時來問訊。漢臺已崩。成陽  
已墟。百戰江山。久歸聖運。千萬斯年。仙鹿慈鳥。時來問訊。漢臺已崩。成陽  
此崖不隕。於穆建文。龍德而隱。

穿石崖 在縣南七十里。離曰壩。洋水所經也。絕壁千仞。上有水簾。宋  
進士雷忠避兵於此。

楊爾頓穿石崖并序  
洋川穿石崖。削成一壁。高不可測。穴容千人。白雲時聚時散。故穴不  
常見也。水行窟下。人在冷中。攀藤捫石。量壘下上。或青或白。閃而過樹  
則人矣。癸甲之年。避兵於此。不信天地中。復有人境。久居於林。栗周於

西鄉勝迹錄

口。揚世間書。就日月讀之。有所見聞。秘勿敢出。一犬一雞。神氣肅矣。不  
離。離世間書。就日月讀之。有所見聞。秘勿敢出。一犬一雞。神氣肅矣。不  
離。離世間書。就日月讀之。有所見聞。秘勿敢出。一犬一雞。神氣肅矣。不  
離。離世間書。就日月讀之。有所見聞。秘勿敢出。一犬一雞。神氣肅矣。不  
離。離世間書。就日月讀之。有所見聞。秘勿敢出。一犬一雞。神氣肅矣。不  
離。離世間書。就日月讀之。有所見聞。秘勿敢出。一犬一雞。神氣肅矣。不  
離。離世間書。就日月讀之。有所見聞。秘勿敢出。一犬一雞。神氣肅矣。不  
離。離世間書。就日月讀之。有所見聞。秘勿敢出。一犬一雞。神氣肅矣。不  
離。離世間書。就日月讀之。有所見聞。秘勿敢出。一犬一雞。神氣肅矣。不  
離。離世間書。就日月讀之。有所見聞。秘勿敢出。一犬一雞。神氣肅矣。不

駕鷲池 在縣西南大巴山西。夏不解冰。

飲馬池 在縣東南二十五里。

九龍池 在縣西南左西峽。以上三池。皆  
出清一統志。

城堡第四

平西城 為西鄉最早所建之城。按史。漢和帝永元七年。以縣地封班  
超為定遠侯。食邑千戶。其城曰平西城。按其地址。似為今之堰口。亦曰定  
一統志。謂定遠城在縣南二百五十步。嚴樂園。漢中府志。晉武帝太康二  
年。置西鄉縣於此。西魏廢帝二年。於平西城北十五里之地。置洋州。領四  
郡。豐寧郡領豐寧縣。隋煬帝大業二年。廢洋州。改豐寧縣為西鄉縣。移於